

四庫全書

史部

欽定四庫全書

欽定八旗通志卷一百七十九

人物志五十九

大臣傳四十五

滿洲鑲藍旗二  
巴都哩  
藍拜

哲庫訥  
巴海  
額赫納  
嵩祝

巴都哩 姪海都

巴都哩滿洲鑲藍旗人先世居性佳以地為姓父

剛格當

太祖高皇帝時同其族人福瑚等來歸巴都哩屢從征任

佐領兼叅領

太宗文皇帝天聰八年大軍征明大同巴都哩同宗室拜

音圖等為嚮導當未入邊牆之先獲察哈爾宰桑

四人以歸尋擢護軍統領崇德元年大軍征朝鮮

豫親王多鐸統師攻克其國都巴都哩奉

命同護軍統領輩阿岱別率兵衆往濟其師進圍南漢山

城屢敗敵兵二年從

上行圍葉赫巴都哩與護軍統領哈寧阿所屬兵衆前後

亂行

上訓責之曰凡獵於布圍時即須分別整齊以次前進合圍始能得獸今爾等不加約束前後行走參差何以使獸不突逸此皆爾等庸懦無能所致今次姑從寬宥後若再違必從重治罪三年隨睿親王多爾袞征明從密雲東北毀邊牆入越燕京趨山東克濟南府明年春凱旋出青山口明邊將以衆追襲巴都哩率兵

還戰護軍尼喀遜被創墜馬巴都哩令護軍校拉卜什希遣人護之歸因付與護軍圖罕旋為圖罕棄於路巴都哩戰卻敵行已遠乃知之不及還携

### 尼喀遜事

聞鞭圖罕百貫耳鼻以徇巴都哩不早察知責罰如例六年授兵部叅政尋兼任鑲藍旗滿洲副都統八年同副都統鄂洛塞臣征黑龍江招降圖瑚勒禪等城順治元年五月師旋

世祖章皇帝遣侍郎明安達哩往迎宴勞以所獲戶口一  
千九百有奇分隸八旗貂狐水獺等皮給從征將  
士叙功予雲騎尉世職十一月擢鑲藍旗滿洲都  
統未幾卒無子以叔父之子杭嘉龍杭嘉卒子海  
都襲海都初任佐領兩遇

恩詔晉世職為騎都尉兼一雲騎尉十一年隨貝勒屯齊  
出征湖南擊敗孫可望馬步兵於岔路口其餘衆  
復來襲我正黃正紅兩旗營海都奮擊却之十五

年隨信郡王多尼征雲南擊敗李定國白文選于

七星關

聖祖仁皇帝康熙十五年海都任叅領署護軍統領事隨  
安親王岳樂征逆藩吳三桂師至袁州賊將夏國  
相等踞萍鄉縣拒戰海都領兵擊破之隨安親王  
至岳州十六年同都統霍特率兵進擊偽總兵陳  
宗啓等於平江縣賊衆潰奔我師奮勇追擊賊潛  
出伏拒戰海都復擊敗之又敗賊將邱義朱永昇

等於七家洞柏營等地尋以疾卒二十五年叙功  
賞雲騎尉世職合所襲之職為三等輕車都尉以其子

穆錫屯襲

藍拜

藍拜世居佟佳以地為氏父嚙哈

太祖高皇帝時來歸任佐領隸滿洲鑲藍旗

太宗文皇帝天聰八年藍拜任護軍叅領奉

命隨都統阿山畧明錦州獲牲畜復隨前鋒統領勞薩率



兵迎察哈爾部衆之來歸者尋擢副都統崇德四年五月以不稱職解任十一月

命承政薩穆什喀索海分統左右翼征索倫部仍以藍拜管副都統事取道呼爾哈部攻克雅克薩城獲丁壯甚多索倫部長博穆博果爾迎戰藍拜同索海設伏擊敗其衆叙功授騎都尉世職分

賜貂皮及所獲人戶六年三月以隨睿親王多爾袞圍明錦州離城遠駐議革世職籍家財半

命從寬罰鍰仍隨鄭親王濟爾哈朗圍錦州城明兵自松  
山來奪我紅衣礮藍拜率兵擊却之五月擢兵部  
叅政八月明總督洪承疇集衆援錦州據松山列  
營藍拜同諸將進擊敗其三營尋敵騎乘陰雨犯  
我右翼藍拜同叅領遜塔等拒戰大捷十一月調  
禮部叅政明年七月部議圍錦州時徇隱軍士失  
律諸將罪藍拜應罰鍰得

旨寬免

世祖章皇帝順治元年隨大軍入山海關擊敗流賊李自成叙功晉世職三等輕車都尉三年

上遣恭順王孔有德統師征湖南授藍拜為鑲藍旗滿洲副都統率兵偕征是時明桂王朱由榔據武岡自成餘黨郝搖旗王進才等降附之與明巡撫何騰蛟總兵黃朝宣張先璧等抗拒我師有德至長沙擊走王進才藍拜同副都統卓羅追擊其衆千餘殲殪過半下湘潭黃朝宣擁衆屯燕子窩藍拜

同副都統佟岱乘艦至瀘口督兵破其營尋隨智  
順王尚可喜援桂陽賊聞風竄遁遂移師征道州  
擊走郝搖旗旋會有德軍征沅州張先璧遣其衆  
自黔陽出扼要隘列五營有德令分兵擊之藍拜  
率先攻戰斬級七十餘遂合兵薄沅州張先璧集  
衆三萬拒戰悉敗潰取其城捷

聞

賜白金擢本旗都統五年九月還仍任副都統叙功

賜黃金白金晉二等輕車都尉六年九月兼任禮部侍郎  
八年擢都統兼工部尚書九年四月調刑部十月  
解尚書任專管都統事十一月奉

命同靖南將軍卓羅征廣東未定州縣尋以廣東漸定撤  
還屢遇

恩詔晉爵至二等男十年十二月

命率兵鎮守湖南時流賊張獻忠餘黨孫可望劉文秀馮  
雙禮等亦降附朱由榔由蜀江窺武昌岳州常德

諸郡藍拜督兵防禦賊不能犯十三年正月偕護  
軍統領蘇克薩哈等還京

召見

上親勞以酒

諭曰爾等為朕宣力年久矣今見爾等形貌癯瘠朕心惻  
然藍拜奏曰宣力効勞人臣之誼臣等有何功績致塵  
聖懷今得覲

天顏臣心足矣四月以老病乞解都統任

詔允所請加太子太保康熙四年七月卒

予祭葬如典禮子幹都海襲爵

遜塔

子瑪錫泰

遜塔滿洲鑲藍旗人姓覺爾察安費揚古之孫也

父碩爾輝

太祖高皇帝時分編安費揚古所屬人戶授為佐領尋卒

遜塔承管之天聰八年

太宗文皇帝嘉其克副任使予騎都尉世職崇德三年授

戶部副理事官是年冬

上遣師征明貝勒岳託帥右翼由墻子嶺毀邊墻入遼塔署  
叅領隨前鋒統領席特庫等擊敗明總督吳阿衡  
兵遂越燕京畧山東明年春師還將出邊敵躡我  
後遼塔隨護軍統領圖賴等奮戰卻之敵侵我喀  
喇沁營遼塔移兵赴援敵潰走六年大軍圍錦州  
明總督洪承疇集兵赴援列營松山遼塔同叅領  
藍拜率兵進擊連破三營敵乘陰雨犯我右翼營



復同藍拜步戰卻敵八年十月授叅領

世祖章皇帝順治元年四月隨睿親王多爾袞入山海關  
擊敗流賊李自成二年叙功授三等輕車都尉世  
職三年隨肅親王豪格征流賊張獻忠過漢中同  
都統巴哈納等擊敗叛鎮賀珍兵進師西克猷忠  
糾賊抗拒遜塔同都統李國翰等連挫賊衆五年  
凱旋兼任刑部理事官尋奉

命駐防淮安六年二月莒州賊曹良臣糾黨數百掠海州

城知州張懋勳州同李士麟擊賊遇害遜塔同叅  
領烏達齊兵備道卞三元漕標進擊王欽中等赴  
援賊遁歸馬髻山乃進兵圍之絕其去路直搗賊  
巢良臣及其黨盡殲旋師復剗滅羽山牟山餘賊  
先是揚州設浙淮鹽務理事官兼僉事銜尋改兼  
戶部右侍郎銜是年十月

詔以遜塔任之駐揚州七年改督理漕運戶部侍郎移駐  
淮安八年裁遜塔還京授鑲藍旗滿洲副都統三

遇

恩詔晉三等男十三年擢工部尚書考滿蔭一子入監十

五年三月監修

壇殿工成晉二等男八月以建造

乾清宮怠玩議降職得

旨寬免九月兼鑲藍旗蒙古都統十七年二月應

詔自陳罷尚書專任都統是年明桂王朱由榔竄緬甸其

將李定國白文選等分踞益良木邦謀入犯永昌

普洱元江

上命定西將軍愛星阿偕遜塔及護軍統領費雅思哈等  
率禁旅赴雲南合鎮守兵進剿明年十一月會師  
木邦文選定國皆遁大兵趨緬甸緬人執由榔來  
獻文選降乃班師康熙三年叙功並錄前此隨征  
張猷忠及剿滅曹良臣戰績晉爵一等男兼一雲  
騎尉世襲罔替四年五月遷本旗滿洲都統十二  
月卒

予祭葬如典禮諡忠襄子瑪錫泰襲爵瑪錫泰初任佐領  
尋兼前鋒叅領康熙十四年隨信郡王鄂扎征察  
哈爾布爾尼師次達祿布爾尼踞山岡列火器抗  
拒瑪錫泰率本旗前鋒薄險當其衝四戰皆捷叙  
功晉三等子十六年從大軍討逆藩吳三桂率兵  
赴吉安十七年授鑲藍旗蒙古副都統尋遷本旗  
滿洲副都統隨征南將軍穆占等鎮守茶陵攸縣  
諸處十九年隨征南將軍莽依圖征廣西至賓州

陶屯擊敗偽將軍范齊韓詹養等二十年隨征南  
大將軍賚塔自廣西征雲南破賊將何繼祖王有  
功等於石門坎黃草壩進圍雲南城斬賊無算復  
同都統希福率兵剿賊楚雄賊將馬寶巴養元等  
窮蹙降雲南平凱旋晉一等子三十年四月以老  
病致仕尋卒子五爾希襲爵

根特

根特姓瓜勒佳世居尼馬察父尼努

太祖高皇帝時與其兄尼唐阿率衆來歸均任佐領隸滿

洲鑲藍旗

太宗文皇帝嘉尼努能事授騎都尉世職天聰八年隨副都統巴奇蘭征黑龍江呼爾哈部有功加一雲騎尉旋軍時有蒙古兵弗戒於火尼努被焚死根特襲職尋任刑部理事官

世祖章皇帝順治元年睿親王多爾袞統師入山海關討流賊李自成根特署前鋒叅領敗賊將唐通於一

片石追剿自成至望都復同前鋒叅領阿爾布尼  
剿撫馬塍口土賊叙功晉世職三等輕車都尉四  
年授協領駐防西安時叛賊王光泰據鄖陽

詔侍郎喀喀木率禁旅自河南進征並調西安駐防兵會  
剿根特率兵破賊黨甄以鍾等於房縣旋師復敗  
賊方國成於谷口六年叛鎮姜瓖據大同其黨虞  
允白璋張萬全等陷平陽蒲州及臨晉猗氏河津  
諸邑根特隨總督孟喬芳侍郎額色統軍渡河剿



賊復蒲州臨晉河津進征平陽白璋糾步騎六千  
至滎河迎戰根特同副將趙光瑞等奮擊大破之  
斬二千餘級復逐賊至黃河賊未及濟我師薄之  
溺水死者無算遂斬白璋餘賊竄入孫吉鎮悉殲  
焉移師趨猗氏偽監軍衛登芳依山結寨與張萬  
全為犄角以抗根特分兵擊斬萬全殲其衆移兵  
轉戰生擒登芳陣斬偽將王國興等三十員復剿  
賊聞喜敗偽都督郭中傑兵于侯馬驛追奔三十

里斬獲無算仍還駐西安九年還京授泰領三遇  
恩詔晉世職一等輕車都尉兼一雲騎尉十年明桂王朱  
由榔將馮雙禮白文選馬進忠等踞武岡寶慶根  
特隨貝勒屯齊征之自永州趨寶慶彼衆十餘萬  
扼險隘抗拒根特鼓勵將士分路截擊以驍騎衝  
之其衆遂亂時正黃正紅二旗兵方與戰根特復  
躍馬往夾擊之其衆大敗進征武岡其黨有牧馬  
者千餘乘犯又敗之十一年九月隨寧海大將軍

伊爾德往浙江剿舟山賊以右翼兵擊偽伯阮思及賊將陳六御兵獲其戰艦及紅木礮復舟山十二年叙功晉爵三等男署鑲藍旗滿洲副都統十四年叙復舟山功晉一等男十五年授鑲藍旗蒙古副都統康熙十六年三月擢本旗滿洲都統列議政大臣二十三年四月以老病乞休三十二年卒

賜祭葬如典禮謚襄壯子格圖肯襲爵

巴特瑪

巴特瑪姓博爾濟吉特世居克爾倫蒙古貝子伊  
蘇特之孫也

太宗文皇帝時隨伯父宰桑古英率族屬來歸隸滿洲鑲  
藍旗分屬貝勒濟爾哈朗下尋授侍衛兼佐領

太宗諭之曰爾雖分隸貝勒然朝夕侍朕朕必加恩崇德  
三年宰桑古英授爵三等男

賜達爾漢和碩齊號巴特瑪授三等輕車都尉世職擢任  
蒙古都統是年十月隨貝勒岳託征明由牆子嶺

入密雲明兵于邊城東小門平坦處拒戰巴特瑪  
擊敗之於是大軍並進連克城邑畧山東明年凱  
旋

優賚牲畜金幣五年睿親王多爾袞圍明錦州巴特瑪同  
都統葉克舒設伏松山斬獲無算敵乘夜犯我後  
營巴特瑪復與貝子羅託擊却敵衆明年三月部  
議圍錦州時巴特瑪聽從睿親王離營遠駐且私  
遣兵丁還家應革職籍沒

詔從寬罰鍰是年秋隨大軍擊敗明總督洪承疇於松山  
復同都統譚泰等移師圍錦州七年明總兵祖大  
壽以錦州降部臣追論統師王貝勒於禦戰錦州  
城壕之役審察功罪弗當巴特瑪狗情附和應罰  
鍰

上以王貝勒大臣等圍城日久勞苦有功槩免罪

召集誠諭之尋

命巴特瑪同輔國公博和託等駐守錦州八年隨貝勒阿

巴秦征明至山東屢擊敗明兵之拒戰者旋師攻  
克新河棗強二城俘獲甚衆

世祖章皇帝順治元年隨睿親王入山海關討流賊李自成  
成遇賊將唐通兵數百巴特瑪為前驅擊敗之追  
破自成於望都二年叙功晉一等輕車都尉兼一  
雲騎尉三年隨肅親王豪格征流賊張獻忠於四  
川賊據西充縣界抗拒巴特瑪同護軍統領鰲拜  
率師奮擊陣殪獻忠大破其衆方合戰時護軍統

領哈寧阿被圍泰領希爾根未赴援及師還與護  
軍統領阿爾津等爭功部訊得實以巴特瑪在軍  
中不能勘定功罪致啓爭冒應罰鍰得

旨寬免五年貝子屯齊等訐鄭親王濟爾哈朗過誤坐巴  
特瑪弗規諫罪削所管人戶之半尋三遇

恩詔晉爵一等男洵擢一等侍衛散秩大臣復進列內大  
臣十六年內大臣公額爾克戴青之僕陳保等毆  
侍衛阿拉那於市巴特瑪之僕亦助毆法司鞠訊



聽陳保等誣詞坐阿拉那持刀擊人應革職折贖  
上鑒其誣下王貝勒覆勘得實額爾克戴青坐縱徇罷任  
削爵降巴特瑪世職為一等輕車都尉兼一雲騎  
尉康熙十一年六月卒子班達爾沙襲

介山

介山滿洲鑲藍旗人姓舒舒覺羅父法都

太宗文皇帝天聰元年任牛莊城守尉同守邊官棟世祿  
岱達喀爾達塔爾弼喜等擊敗明兵於遼河岸殪

其守備一千總二把總二及兵二百獲船三尋授  
佐領卒後次子素隆阿襲管介山為法都第四子  
初由戶部筆帖式游遷理事官

世祖章皇帝順治六年署驍騎叅領隨睿親王多爾袞征  
大同叛鎮姜瓖協理軍餉十年授兵部啟心郎十  
七年遷工部右侍郎十八年

聖祖仁皇帝御極調兵部右侍郎是年八月

命往廣東會同平南王尚可喜等察看沿海城寨村莊限

民毋得出界居住康熙二年正月還京疏言瓊雷廉欽諸府州各營汎有踰年未領餉者應定限撥運俾隨時給發粵東文武官委署冗雜應飭督撫提鎮慎加遴選沿途驛站若累嗣後賞

詔賚

敕官員若在同省者宜併合差遣其餘文書可由驛遞達者宜停遣專員又部發綠旗各營馬匹輒至疲斃皆由途間餵飼失宜宜慎選幹員解送事並下部

議行四月輔政大臣鰲拜以介山在廣東所定海  
界不於冊檔注明離海里數及詰問又先後矛盾  
傳

旨下吏部坐奏對不實革職八年五月介山以鰲拜挾仇  
誣枉控訴議政王等謂介山革職由吏部定議非  
鰲拜專擅寢其事九年四月

上以介山前此處分太過

命降原官一級復用十二年四月授太僕寺卿十二月遷

大理寺卿十三年二月兼管佐領十一月授戶部  
右侍郎十四年擢都察院左都御史十五年五月  
疏言京師五方雜處設巡城御史詢民隱察奸宄  
乃蒞事六月稍稍諳練即屆更換非所以慎重城務  
也嗣後應以一年更換下部議如所請定為例十  
月康親王傑書討逆藩耿精忠降之將進剿海賊  
鄭錦奏請增叅贊大臣十二月

上命介山同兵部侍郎烏努春赴福建叅贊軍務

諭之曰耿精忠勢屈而降其心叵測仍須嚴防海賊鄭錦連陷府州縣生靈塗炭宜速圖克復爾素曉兵事凡機宜所在隨時奏聞勿為諸將掣肘十六年四月遷刑部

尚書十九年六月康親王將班師奏廈門諸處新經恢復沿海官兵宜撤宜留令介山烏努春與奉使會勘之侍郎溫岱及總督巡撫提督定議以行

尋

詔介山率應撤兵一千移駐杭州即率出征福建之察哈

爾兵還京二十年五月調吏部尚書後一月至京

上諭曰爾出征甚勞察哈爾衆兵出征亦為勞瘁茲回本地宜加給行糧二十一年七月應

詔陳時務疏言各省裁兵應設法安插咸俾得所

上因諭督撫提鎮等曰各處兵丁有隨征進剿効力已久者毋概行裁退已裁兵丁及投誠歸農者其善加撫輯務俾有以資生二十二年二月調禮部尚書二十三年十二月以疾乞休

命原品致仕三十四年九月卒年七十有四

賜祭葬如例

哲庫訥

哲庫訥滿洲鑲藍旗人姓納喇

世祖章皇帝順治八年定考試繙譯之制哲庫訥取中舉

人明年會試中式

殿試一甲二名授編修十年遷侍讀十一年遷侍讀

學士十二年充



日講官擢國史館學士十三年教習庶吉士充

經筵講官十五年四月同侍郎霍達奉

命往察直隸總督張元錫自劾事得學士麻勒吉胡兆龍

奇徹伯奉使湖南歸途呵辱元錫狀麻勒吉等並

降級十一月改內三院為內閣設翰林院

命哲庫訥以禮部侍郎兼翰林院掌院學士十六年疏言

八旗披甲人生計艱難宜授以恒產直省綠旗兵

宜汰老弱勤訓練滇黔粵閩尚有負固不服及既

降復叛城邑大兵所指宜專戮渠魁宥厥脇從則  
聞風懷歸者益衆十七年疏請

時御便殿咨詢羣臣選博學方正之士隨侍左右記言記  
動以垂後世令庶司百職詳察現行事例未協宜  
者酌擬更改請

旨施行並飭禁風俗之奢侈申嚴國學之考課疏並下王  
大臣議行尋

詔翰林各官直宿景運門內以備顧問哲庫訥與掌院學士

王熙自請分日入直並以讀講學士至編修檢討  
每日八員輪直

上允所議十八年

聖祖仁皇帝御極復內三院舊制改哲庫訥國史院學士  
旋擢吏部侍郎康熙三年會試舉人有逋欠錢糧  
朦混入場者議禮部侍郎察布海應降級察布海  
以持服未有事訢辯輔政大臣鰲拜因哲庫訥弗  
為奏白傳

旨議處降一級調用補大理寺卿六年京察自陳鰲拜傳  
旨解任降四級隨旗行走八年鰲拜獲罪拘禁哲庫訥訴  
辯其素與鰲拜齟齬致冤抑降調會國史院學士  
缺員

上命以哲庫訥補授九年充

玉牒副總裁官教習庶吉士是年仍改內三院為內閣設  
翰林院哲庫訥任掌院學士會復設

起居注

日講官

命哲庫訥充之又充

經筵講官

太祖

太宗聖訓副總裁官十年十二月遷兵部督捕左侍郎十

五年正月卒

賜祭葬如例

巴海

巴海滿洲鑲藍旗人姓瓜勒佳沙爾瑚達長子也  
初任佐領順治十四年授秘書院侍讀學士十六  
年襲父一等男爵

世祖章皇帝諭吏部曰寧古塔係邊疆要地沙爾瑚達駐  
防年久甚得人心今已病故其子巴海素著勤慎堪代  
其父授為寧古塔總管十七年俄羅斯犯邊境巴海同  
副都統尼哈里等率兵至黑龍江松花江交會處  
偵賊在飛牙喀西境即疾趨使犬部界分布舟師

潛伏江隈賊船踵至合擊之賊敗卻棄船登岸竄走巴海督兵追戰斬六十餘級溺水死者甚衆獲其船及鎗礮軍器因招降飛牙喀百二十餘戶叙功加一雲騎尉十八年追論禦擊俄羅斯時有五船兵失利巴海不以實奏削一等男及雲騎尉

聖祖仁皇帝康熙元年改總管為將軍仍以巴海任之十年

上詣盛京

召巴海問寧古塔及瓦爾喀呼爾哈人民風俗

諭曰朕向聞爾賢能今益知爾矣飛牙喀赫哲雖服然其性暴戾當廣布教化多方訓迪俄羅斯雖云投誠當加意防禦訓練士馬整備器械毋墮狡計爾膺邊方重任尚其黽勉以報朕知遇之恩初邊境有墨爾哲氏者累世輸貢至是巴海招之其長扎努喀布克托等願率衆內移巴海請安輯於寧古塔附近地設佐領四十以扎努喀布克托及諸族屬任之分轄其衆



號為新滿洲十三年冬巴海率諸佐領入

覲

頒賚有差

特賜巴海黑狐裘貂朝衣各一襲十七年

諭獎巴海暨副都統安珠瑚實心任事撫輯新滿洲戶口

咸令得所各予一等輕車都尉兼一雲騎尉世職

二十一年巴海疏言巡緝採獲官兵宜分別所獲多

寡定獎賞之例

上諭部曰盜採者緝獲視所獲多寡議叙甚為允當其非採復而了身採捕他物者毋得妄拘並詳議著為令又時上幸吉林回鑾

諭巴海以吉林兵丁勞苦宜加憐憫

命除捕鷹取魚諸徭役俾勤耕種二十二年以奏報田禾歉收不實部議罷任革世職

上曰巴海遷移新滿洲不可謂無功降世職為三等輕車都尉罷將軍任二十三年授鑲藍旗蒙古都統尋

列議政大臣三十五年卒

賜祭葬如例子四格襲職

額赫納

額赫納滿洲鑲藍旗人姓納喇世居葉赫祖蘇巴  
海

國初來歸父渥和訥任世管佐領額赫納襲職任護  
衛尋遷護軍叅領順治十四年隨寧南靖寇將軍  
貝子洛託征雲南康熙元年隨靖東將軍濟席哈

剿平山東棲霞縣土寇于七十一年擢鑲藍旗蒙古副都統尋駐防山東兗州十四年九月以逆藩吳三桂耿精忠叛賊党分犯江西

命簡親王喇布為揚威大將軍由江寧移鎮江西

詔額赫納叅贊軍務十五年正月麻姑山賊王永召等犯江西省城額赫納同副都統席布敗之先是叛鎮馬雄勾滇賊王宏勳擾廣東

上命簡親王於副都統額赫納巴爾堪內擇一為將軍

兵援廣東王請以額赫納往

命倍道速進未至而平南王尚可喜病其子之信以韶州南雄叛應賊連閩粵諸寇謀犯贛州額赫納退守南贛賊屯蓮塘口額赫納率頭隊敗賊衆斬偽將黃輝陳可相等遂進兵芝坪敗偽總兵吳漢興焚賊營二十餘十月廣東提督嚴自明叛犯南康縣進圍信豐額赫納同副都統穆成格迎擊之固鎮鋪擒斬萬餘自明走南安信豐圍解十六年三月

上命副都統莽依圖為鎮南將軍赴粵以額赫納叅贊軍  
務大兵抵韶州之信率官民歸正自明亦獻南安  
降十月三桂偽將馬寶王錦等營韶州城東山梗  
我運道額赫納同江寧將軍額楚分剿大敗之莽  
依圖以廣西巡撫傅宏烈兵單疏請令額赫納赴  
梧州協剿得

旨額赫納速赴梧州即與傅宏烈同定廣西十七年四月  
調鑲藍旗滿洲副都統時廣東總兵祖澤清據高

州叛

命額赫納回剿之次電白賊盡銳據守額赫納連破其營  
斬偽總兵江瓊等賊四千餘追二十餘里圍其城  
賊黨王得功降遂進攻高州澤清已挈家遁高州  
平時賊首吳世琮犯南寧十八年五月額赫納至  
貴縣會莽依圖兵由橫州直抵南寧敗賊于新村  
世琮中流矢以二十騎遁奉

詔速剿餘黨乘勝進取雲南十二月調鑲藍旗護軍統領十

九年五月隨莽依圖進剿柳州至賓州之陶登遇  
偽將軍范齊馬承烈等由武宣迎敵額赫納同都  
統勒貝希福分路擊斬無算二十年正月偽將軍  
何繼祖擁衆屯安籠所拒我師額赫納率前隊  
進剿大將軍賚塔繼之大敗賊衆復安籠所二月  
次黃草壩偽將軍王有功張光先等屯曲靖府羅  
平州界額赫納同希福擊走之奪賊營二十二擒  
斬甚衆大軍尋平雲貴額赫納隨將軍班師二十



三年調鑲藍旗前鋒統領二十四年擢鑲藍旗滿洲都統尋授議政大臣二十九年三月噶爾丹侵喀爾喀犯汎界

上命額赫納同侍郎溫達等由歸化城分路偵禦會噶爾丹為裕親王福全敗遁八月額赫納撤兵還三十五年以老乞休

允之四十四年卒

賜祭葬如例

嵩祝

嵩祝滿洲鑲藍旗人姓赫舍哩父岱袞天聰時協  
管佐領兄來袞崇德時任侍衛順治元年二月授  
內院學士四年考滿予雲騎尉職遇

恩詔晉騎都尉世襲卒後弟瑚蘭布子瓦爾達姪雅圖遞  
襲十八年八月以嵩祝襲騎都尉康熙九年管佐  
領二十三年遷護軍叅領三十三年五月擢內閣  
學士三十四年五月以

盛京遇旱

命同侍郎珠都納往會將軍等支海運存貯米萬石散給  
貧民以萬石平糶七月回京

上問盛京各處田禾嵩祝奏上下不等

盛京比年失收今歲雖有秋難支來歲

上曰盛京貯米幾何若散賑可支幾月嵩祝奏臣等往賑  
五十日所用不至二萬石今天津海口所運及錦  
州積貯共十二萬石若以賑濟可支六七月

上曰海運有定時其令米歲再運九月

命同珠都納往開原等處散給兵米

諭曰將軍等請給米但言兵丁而已其

陵上執事人及衆百姓並不言及此皆朕赤子可一併散

給蒿祝奏臣等前次散給正當甚乏之時故計口月給

倉米一斗五升今總發數月給一斗足矣

上曰照前給一斗五升勿減省可給至來歲四月爾等親

加覈散十一月回奏遵

金史卷一百七十九  
旨以盛京倉米計口給散兵丁執事人等均需實惠三十

五年二月

上親征噶爾丹嵩祝分管正黃旗行營五月至克魯倫河

凱旋

命協同內大臣公長泰統領後隊滿漢兵緩一日行接受

西路軍營奏章閱視發遞

御營六月遷兵部侍郎九月改護軍統領三十六年扈

蹕至寧夏

命昭武將軍馬斯喀等窮追噶爾丹嵩祝恭贊軍務聞噶  
爾丹竄死其党伊拉古克三胡土克圖奔投策妄  
阿喇布坦奉

詔追剿至摩該圖不及而還以軍中散給兵丁米糧羊隻  
缺少嵩祝未以原奉

詔旨宣示軍前削加級罰俸一年四十年九月遷正黃旗  
漢軍都統十二月廣東官軍剿連州瑶人失利

命嵩祝偕副都統達爾占侍郎傅繼祖往會總督石琳調

廣西湖南兵進剿即授為廣東將軍四十一年正

月瀕行

諭曰徭人所居之山通連廣東廣西湖廣三省林木叢密  
山勢崇峻恃此險僻頑梗不馴自宋明以來即在此三  
省擾害民生爾等務體朕好生至意不必遽行征剿先  
曉示招撫爾等到彼即以徭人山寨形勢三省官兵進  
征之路及立營之處繪圖呈覽如徭人歸順止將殺害  
官兵之為首者正法可也二月師次連州駐軍三江口

檄三省官兵分布要隘繪圖以進疏言猺人為數無多棲身之地亦未寬廣所恃者山險路狹耳

諭曰猺人就撫則已否則於其居處要隘立營圍之不必勞兵力彼自窮迫四月疏言臣等遵奉

皇上指示機宜勘視八排山寨即于要地設立營壘先遣人招撫連州界內油嶺行祥橫坑三排猺人先行薙髮開報家口荷負雞彘酒食呈送行營而連山界內之軍察馬箭火燒坪大掌嶺四大排並雞公



背等各小排以次薙髮投誠最後里八崗排徭人  
將為首殺傷官兵之李貴鄧二等九人擒獻即行正  
法示衆遣官察驗人口共八千一百餘安插事宜  
責成督提料理臣等撤兵回京閏六月赴熱河復  
命奏言徭人俱已受降皆由

聖主威德無遠弗屆前者臣等請

訓時

皇上豫料五月內受撫之事必成今果如

聖明洞鑿分毫不爽三省督撫提鎮以及軍民無不欽服  
九月調正紅旗滿洲都統四十八年二月署奉天  
將軍四十九年八月疏報錦州離城百二十里雙  
島有賊船十停泊又二百餘人樹旗二湖嘴山上  
施放鎗礮城守尉馬哈達等帶領哨兵屯丁分兩  
路截賊歸路賊衆爭路上船我兵追擊殺死三十  
餘名獲船一并牌刀鎗礮等物生擒賊船水手王  
遇機正法得

旨嘉獎陞賞在事官兵有差五十年二月疏言奉天所屬  
金州鐵山距山東所屬隍城島僅半日程請令山  
東防海水師官兵巡哨直至金州鐵山俾海邊賊  
匪無所容身又請揀選

盛京滿洲兵一千教習烏鎗為火器營俱下部議從  
之十月遷禮部尚書五十一年四月授文華殿大  
學士兼禮部尚書五十五年四月扈

蹕熱河

上以天時亢旱

命嵩祝傳

諭在京諸臣竭誠祈禱勿因遇端午節互相會飲越旬餘  
在京大學士蕭永藻王掞等以接奉

諭示熱河得雨雪足臣等不勝 忭具奏

諭責嵩祝曰朕因憂慮曠旱兩降諭旨在京諸臣遲延日  
久始摺奏熱河得雨臣等不勝 忭語止於此處得雨  
有何忤幸部院諸臣貪圖在家安逸祈雨之處未必親

到朕兩降諭旨命爾抄發京師乃並不直書申飭又不  
察明劾奏爾乃大學士也是非所在豈特當與衆言之  
即於朕前亦當懇切言之可馳驛回京嚴察題叅嵩祝  
至京察劾祈雨不到及奏報遲延之大學士蕭永  
藻王拱尚書赫碩色張鵬翹趙申喬陳詵王頊齡  
等以不早察劾自請

敕部議處部議革職得

旨從寬留任革退

恩詔所得廕生六十一年冬

世宗憲皇帝命復原職加太子太傅充纂修

聖祖仁皇帝實錄並重修

玉牒總裁雍正元年

賜詩有訐謨屬老成之句五年八月以奉天將軍噶爾弼

察奏

盛京庫銀虧缺三萬餘兩由康熙三十八年貝子蘇

努任將軍私令官員借放收貯接任之將軍蒙俄

洛嵩祝唐保住等徇隱不舉應分賠追繳

敕部嚴議嵩祝革職罷任十三年卒年七十有九其原襲

之騎都尉循例改雲騎尉以其孫蘇楞額襲

欽定八旗通志卷一百七十九

欽定四庫全書

史部

欽定八旗通志卷

一百八十五  
一百八十一



欽定四庫全書

欽定八旗通志卷一百八十

人物志六十

大臣傳四十六

滿洲鑲藍旗三 格爾古德 庫  
呼訥 阿山 阿蘭泰 富寧安

穆和倫 新柱

格爾古德

格爾古德滿洲鑲藍旗人姓鈕祜祿初由筆帖式

為內院副理事官

聖祖仁皇帝康熙三年隨定西將軍圖海征湖廣茅麓山  
流賊凱旋陞弘文院侍讀九年充

玉牒纂修官尋遷翰林院侍讀學士充

日講起居注官十三年隨安親王岳樂征逆藩吳三  
桂自江西進湖南十七年偽將軍林興珠率衆降  
安親王軍前格爾古德自長沙馳報並奏

聞興珠所言困賊策分岳州水師為二一泊君山以斷常  
德之道一泊香爐峽扁山以斷長沙衡州之道則

賊不戰自潰

上以密諭駐軍岳州之貝勒大臣核議行十九年隨安親

王還京擢詹事府詹事尋

諭吏部議叙勤勞奉職諸講官加格爾古德一級二十年

遷內閣學士明年正月授直隸巡撫

諭曰旗下莊頭與民雜處倚恃其主聲勢每為民害爾其  
嚴察懲創勿事姑息金世德子成龍為巡撫廉潔有聲  
爾繼其後得名甚難若急於求名或致僨事爾其凜諸

二十二年四月疏言自鬻投旗之人或有作奸犯  
科冀逃法網者或有遊手好閒規避差徭者本主  
聽其仍居本籍放債牟利則諱旗而稱民遇官長  
訪聞窩逃構訟等事又舍民而稱旗抗避不出甚  
或招搖鄉里魚肉小民應責令本主止留務農人  
戶於屯庄餘俱收回服役嚴定縱狗處分得

旨下部詳議飭禁並

特諭部凡鬻身之人或曾經犯罪冀投旗倖免者與知情

之本主俱從重治罪二十三年三月疏言順天永平保定河間等府民田園作旗產者向以別州縣之地撥換仍聽彼處民人佃種令業戶收租供賦遇佃租不償則額賦無出其佃地所屬州縣因錢糧考成無涉不為催租致受撥之地多有積逋官民俱累請自後令佃地所屬州縣代為徵解仍按未完分數與奏銷一例處分疏下部議行先是保定連歲歉收米粟騰貴格爾古德請截留山東漕糧撥

給駐防兵部議不准格爾古德復疏言駐防兵米  
不下萬石若就近採買民間益苦直昂或遠購隣  
境則運費不貲仍請截留為便得

旨允行時大學士明珠佐領下人戶指圍民間塚地墾種  
有訴於戶部者牒巡撫察勘宛平知縣王養濂以  
無礙塚塋飾辯格爾古德劾養濂引圍塋地屬實  
得

旨下部議處並

諭曰民間田地久經有旨永停圈占止以部存地畝分撥  
新戶口何得借端擾害百姓嗣後有似此者從重治罪  
六月疏薦井陘道李基和靈壽知縣陸隴其盧龍  
知縣衛立昂廉能素著得

旨下部陞用格爾古德尋以疾請解任

溫旨慰留

遣太醫診治會

詔九卿等公舉清廉官首以格爾古德列奏

上曰格爾古德居官素優近聞患病羸弱深軫朕懷七月  
卒於官年四十有四

遣內大臣侍衛於觀至日奠茶酒部臣以格爾古德曾失  
察知縣諱盜降一級其任巡撫未滿三年應減半  
予祭奠銀

上曰格爾古德自簡任以來清廉自持勤勞素著復其所  
降之級從優再議

賜祭奠如典禮謚文清



上嘗諭責漕運總督碩幹居官無善狀碩幹奏曰臣為衆所忌故未能自致聲譽

上曰格爾古德為巡撫歿後人猶思慕稱頌居官苟善豈有不致聲譽者乎二十六年祀直隸名宦

庫呼訥

庫呼訥滿洲鑲藍旗人姓瓜勒佳康熙五年由監生任吏部筆帖式八年授本部主事尋遷員外郎十年改授翰林院侍講轉侍讀十三年充

日講起居注官十五年遷侍講學士充

經筵講官十八年遷詹事府詹事十九年正月擢翰

林院掌院學士四月

上御懋勤殿講官進講畢

上曰堯舜禹湯以來心法治法具在尚書爾等每日悉心  
進講朕孜孜典學雖不能媿古帝王而此心朝夕懋勉  
未嘗稍懈也庫呼訥奏曰書經應講者畢自今當以易

經進講

上曰經史俱闕治理自明日始進講易經可每晚進講通鑑五月

諭獎奉職勤勞諸講官庫呼訥得加一級二十一年五月授刑部左侍郎未幾調兵部二十二年三月

命赴貴州酌議土司事宜

上諭之曰曩時逆賊吳三桂見土司富厚因收服之今既歸順議者或云設立土官或云設立流官衆論互異朕思土司地方只有大定黔西平遠威寧四府錢糧亦不

甚多爾往務善為經畫使可永遠遵行毋得游移兩可  
十二月庫呼訥會同雲貴總督蔡毓榮疏言平遠  
大定黔西舊為水西宣慰司安坤所屬威寧係安  
坤子安勝祖所屬自康熙四年設立流官相安已  
久糧課差徭悉無違悞不便更設土官安勝祖應  
去其土知府銜不得擅預軍民事所有宣慰司仍  
予承襲至土州同龍天佑向因殺賊著有勞績奉  
旨授以左都督總兵銜今宜仍以總兵銜管州同事若及

身遽行削去恐不足鼓勵土人之心又言土官子弟俱世襲相承不由選舉固知誦讀嗣後應令有志向上者於就近各府一體應試酌定若干名必諳習經書通達文義者方如數錄取疏下部俱議行二十三年轉督捕左侍郎二十五年四月吏部請補掌院學士缺

上曰學士關係最重庫呼納任此職時較他人為優遂調禮部侍郎仍管翰林院掌院學士尋充明史總裁及

三朝國史副總裁官三十年擢戶部尚書三十一年二月

調吏部尚書

命同禮部尚書熊賜履往江南勘訊運河同知陳良謨訐

告河道總督王新命勒取庫銀事鞠新命及良謨

並挪移庫銀論罪如律六月

命同內閣學士溫保往貴州勘訊苗人拒捕事尋劾奏貴

州巡撫衛既齊未經審察苗人實情擅行用兵又

妄報陣殺多人得

旨逮問衛既齊論罪如律三十三年九鄉會推兩江總督  
以吏部侍郎布彥圖等十二人列奏先是布彥圖  
由理藩院郎中洊遷內閣學士刑部侍郎調任吏  
部至是

上察知其任吏部後聲名甚穢

命大學士詢問何人保舉布彥圖時熊賜履亦為吏部尚  
書遂以賜履保舉覆奏

上召庫呼訥

諭詰之曰布彥圖與爾同旗同部其人果可保舉耶庫噶訥  
奏曰布彥圖品行穢劣非可保舉之人

上曰如是爾何不阻之爾為尚書當矢志忠誠勉圖効力  
如布彥圖之貪穢舉國共知何得聽人妄行保舉自古  
漢人結為黨類各援引同黨之人以欺其上滿洲舊習  
樸誠忠實今亦各自結黨惟兵部尚書索諾和並無黨  
類亦不來往大臣之家愿慙安分此外孰無黨者焉能  
欺朕朕因布彥圖在理藩院時塞外効力漸陞至侍郎



不思圖報朕恩所行貪穢朕甚惡之著革去侍郎仍為  
理藩院員外主事爾等不奮勉以副任用之恩朕亦必  
加處分斷不寬貸也三十五年三月

上親征噶爾丹次瑚什穆克

名庫呼訥往察沿途驛站留牧疲瘦馬匹及停運米糧七

月御史龔翔麟劾奏吏部擬補擬選先後互異得

旨吏部回奏復下都察院察議以回奏含糊矛盾庫呼訥

與尚書熊賜履侍郎趙士麟彭孫適並應降三級

調用

上命從寬留任互詳熊賜履傳三十九年十月

上以庫呼訥與吏部侍郎阿爾拜俱不稱職

命解任在佐領處行走四十七年以疾卒

阿山

阿山滿洲鑲藍旗人姓伊拉哩初由吏部筆帖式

累陞刑部主事戶部員外郎康熙十八年授翰林

院侍講轉侍讀充

日講起居注官二十一年遷侍講學士二十三年轉  
侍讀學士二十四年十月充

經筵講官尋轉光祿寺卿太常寺卿至通政使二十  
六年遷都察院左副都御史二十八年遷戶部右  
侍郎二十九年奉

命察視畿輔賑務三十年四月

駕幸多倫諾爾撫綏來歸喀爾喀部長

命阿山與內大臣明珠等會同

頒賞閏七月轉左侍郎十二月

詔發帑二十萬兩賑西安鳳翔二府

遣阿山同內閣學士德珠前往驗給明年二月回京

上曰聞被災之民有流於襄陽者今情狀何如阿山奏曰

未曾至襄陽聞有至河南者自賑濟後人民安輯

且正月兩次得雪不致流散失所

上曰正月雖雪二三月雨水不調麥田亦未可望人民流

於襄陽者甚多爾未知之耳尋

諭大學士等曰阿山為人庸劣奉差之事不能盡心凡事  
啟奏多涉兩可著解任以郎中品級隨旗行走三十三

年六月復用為左副都御史九月

命往宣化府監督喂養軍需馬匹三十五年二月

上親征噶爾丹阿山從五月師次克魯倫河噶爾丹望見  
御營驚竄克呼河碩計程一百三十餘里

上親統前鋒兵追擊期兩日至

命內大臣阿密達為將軍轄衆兵分四日程繼進以阿山

及副都統瑚什巴沙濟為叅贊噶爾丹復自克呼  
河碩遁往特呼勒濟口遇大將軍費揚古軍邀擊  
大破之噶爾丹僅率數騎遠竄

上追勦至托諾山班師擢阿山

盛京禮部侍郎三十六年授翰林院掌院學士充

日講起居注官及

平定朔漠方畧副總裁官又充

經筵講官教習庶吉士三十九年五月授江南江西

總督四十年三月

上與大學士等論各省督撫

諭及阿山雖任事未久居官亦甚善會安徽布政使張四  
教丁憂離任巡撫高承爵劾其在任時加派火耗  
挪移庫銀事下阿山察勘覆奏所加火耗及挪借  
帑銀皆充公用請免審擬

上命詳晰再訊實情四十一年七月阿山奏言康熙三十  
八年

皇上南巡不用民間一草一粒皆動正項錢糧豫備而大

小各官惟恐供辦遲誤督撫等公議將司庫銀暫  
用張四教先後給發十一萬餘兩皆公議扣俸抵  
補者今訊問各官俱自承認臣不敢隱匿寔情奏  
入

上諭大學士等曰朕三次南巡所過地方蠲免錢糧稅課  
發出倉穀賑濟凡食用俱自京城備辦並未動用地方  
絲毫恐地方官借端妄行科派累民如有供給跟隨大



臣官員者照軍法處斬諭旨甚明前阿山魯將張四教之案屢請停其審擬朕不允駁回今復奏稱虧空庫銀因南巡時動用張四教以庫銀私給各官阿山開釋其罪又不確究各官以何事支用殊為徇情沽譽交部嚴加察議尋

命漕運總督桑額鞠訊張四教罪款得寔擬罪如律部議  
阿山應革職得

旨從寬留任四十三年二月疏劾江西巡撫張志棟計薦

不公舍清廉素著之九江知府朱儼品行素優  
之彭澤知縣吳士宏而舉居官平常之袁州府同  
知馬斌貪縱不法之南昌令王廷對擅自定稿且  
致書囑勿改易事下部議張志棟與布政使李興  
祖按察使劉廷璣及道府等官俱革職阿山尋疏  
言李興祖劉廷璣等呈辯大計舉劾皆係張志棟  
隨其喜怒任意增刪並非司道附和請與開復於  
是給事中許志進疏劾之曰阿山與張志棟意見

乖違具疏題叅部議以薦舉不公將兩司以下一  
同革職阿山復為藩司李興祖臬司劉廷機道員  
韓象起等題請開復竊以徼倖之端不可開欺詐  
之風不可長張志棟傲慢自恣其計冊舉劾司道  
等當時瞻徇不言事後違例置辯謂無賄賂請託  
誰其信之若倖邀開復則勸懲之重典止屬虛文  
賞罰之大權不難假借督臣操縱自如恩威已出  
將來人盡效尤顛倒是非變亂黑白弊端百出其

害難言乞

敕嚴究情弊以昭法紀疏下部察議議未上阿山疏辯許  
志進所劾誣罔且許許志進係淮安漕標營卒之  
子素行不端誓為張志棟報仇許志進又追論阿  
山狗庇張四教及收屬員賄賂盜賣倉穀弗問貪  
淫惡蹟審虛縱妾父招搖生事諸款並下部察議  
部議許志進因許奏逞忿臚款應革職阿山妾請  
開復司道等官被言官糾劾不靜聽處分瑣屑許

奏應革任

上命阿山仍從寬留任四十四年六月疏劾江寧知府陳

鵬年以妓樓改建講堂褻瀆

聖諭及貪酷二款

命會同漕運總督桑額河道總督張鵬翮審擬鵬年論斬  
詔鵬年來京在修書處劾力十一月同桑額張鵬翮奏泗

州西溜淮套開河築隄洩淮水至黃家堰入張福

口會出清口事宜請

駕臨閱視四十五年十一月授刑部尚書四十六年

上臨視溜淮套

諭從臣曰前阿山桑額等奏稱溜淮套另開一河出張福口可分洩淮水免洪澤湖之異漲保高家堰之危險繪圖進呈今朕乘騎從清口至曹家廟見地勢甚高雖開鑿成河亦不能直達清口與所進圖樣迥乎不同且所立標竿多有在墳塚上者朕何忍發此無數枯骨耶即飭張鵬翮罷其工及

回鑿九鄉議阿山與張鵬翮等均溺職

諭大學士等曰聞驗視溜淮套之時張鵬翮桑額皆謂不可開因阿山主議乃列名奏請

命革阿山尚書任五十一年革職江蘇布政使宜思恭因虧帑訐告總督鳴禮等頻向索銀下張鵬翮察審奏阿山任總督時亦收取節禮應議處

上以阿山年老免之五十二年三月遇

萬壽慶典復原品逾年卒

阿蘭泰

阿蘭泰滿洲鑲藍旗人姓富察初任兵部筆帖式  
累遷職方司郎中

聖祖仁皇帝康熙十九年議政王大臣等疏薦阿蘭泰練  
習部務自吳三桂叛後專司軍機文檄日夕勤勞  
詳慎無誤請予議叙以昭獎勵得

旨以三品卿用二十年三月擢光祿寺卿五月遷內閣學  
士明年充



平定三逆方畧副總裁官兼充明史總裁官教習庶吉士

二十二年擢兵部侍郎兼管佐領明年三月

上欲釐定戶部鼓鑄章程察除積弊

特命阿蘭泰同吏部侍郎陳廷敬刑部侍郎佛倫副都御

史馬世濟管理錢法二十五年六月擢左都御史

十二月

上閱平定三逆方畧摘論贊舛錯

諭大學士曰平逆始末阿蘭泰知之甚詳爾等可與酌改

務令記事得寔二十六年二月遷工部尚書十月以商人採輸楠木工部監收遲延部臣並應降調

上念阿蘭泰任事未久貸之二十七年二月調兵部尚書

五月調吏部二十八年閏三月

上以雨澤愆期

命阿蘭泰同尚書徐元文覆審刑部獄囚奏減罪可矜疑者四十五人四月充

三朝國史總裁官五月擢武英殿大學士三十一年陝西

飢阿蘭泰導

諭同河道總督靳輔議運江淮糧石自黃河沂西安以備  
積貯明年噶爾丹侵擾哈密

上命飭兵預備阿蘭泰與領侍衛內大臣索額圖等議增  
撥京兵一千及陝西督標兵三千付甘肅提督  
孫思克相機勦禦三十三年復議噶爾丹逼近圖  
拉請遣右衛駐守大臣費揚古郎坦等往勦尋以  
逆首遠遁奏撤塞外新增驛站

詔費揚古還軍歸化城郎坦兵亦旋罷明年

上出古北口

巡歷塞外

命阿蘭泰留京總理章奏三十五年二月

上親征噶爾丹於克魯倫河阿蘭泰仍留京與尚書馬齊

佛倫直宿

禁城九月隨

駕出歸化城

駐蹕黃河西界經理軍務十月以扈從勞

賜內廐馬一奉

命赴右衛卹賞隨征官兵奏免大同及滿洲蒙古漢軍借

支銀兩俱稱

旨三十六年六月充

平定朔漠方畧總裁官八月噶爾丹之台吉丹濟拉來降

上駐蹕翰特穆爾嶺

御羶幄屏左右

名丹濟拉入

見阿蘭泰引郎中阿爾法隨入侍

上命之出及丹濟拉退

名阿蘭泰

諭曰爾偕降人入以防不測此意甚善朕令爾出欲推誠以示不疑耳三十七年阿蘭泰同大學士伊桑阿以年

老善忘奏請

簡員協理閣務

上曰大學士最為重任必平坦雍和任事謹慎者方為稱職至於記事學士可分任之三十八年五月因伊桑阿

乞休

諭阿蘭泰曰爾與伊桑阿自任閣務以來凡事推誠布公不惟朕知之天下無不知者雖以年老求罷朕不忍令去也九月阿蘭泰病劇

上欲臨視

遣皇子先往而阿蘭泰已卒為輟朝一日

賜銀二千兩

命皇子及內大臣侍衛等奠茶酒

諭廷臣曰阿蘭泰宣力年久懋著勤勞存心端誠持守廉潔應贈少保兼太子太保

予祭葬如典禮謚文清四十六年十月

上與大學士馬齊評論內閣舊臣猶

稱阿蘭泰能強記且善於辦事云

世宗憲皇帝雍正十年入祀賢良祠子富寧安亦仕至大



學士別有傳

富寧安

富寧安滿洲鑲藍旗人姓富察大學士阿蘭泰子也其從祖尼喀納以隨征逆藩吳三桂有功得騎都尉世職康熙二十五年卒無子以富寧安襲尋授侍衛任佐領遣驍騎叅領兼管火器營事四十年授鑲紅旗滿洲副都統四十四年擢正黃旗漢軍都統四十六年改授都察院左副都御史先

是富寧安以副都統署倉場侍郎至是仍兼任疏言  
大通橋舊設滿漢監督四十一年裁併坐糧廳兼  
管今會清河糧務改歸坐糧廳經理勢難兼顧大  
通橋請復設監督部議從之四十七年五月遷禮  
部尚書仍兼管倉場事四十八年二月

聖祖仁皇帝諭廷臣曰朕觀部院官員辦事優而又極謹  
慎如富寧安者未可多得能始終不易則善矣三月調  
吏部尚書又

諭廷臣曰富寧安從武員擢用人皆稱其操守廉善是以授為吏部尚書令部院中欲求清官甚難當於初為筆帖式時即念日後擢用可為國家大臣自立品行也五

十四年四月

上以策妄阿喇布坦侵掠哈密

敕西安將軍席柱甘肅提督師懿德等領兵援勦

命富寧安率侍衛等前往總統調度

諭之曰朕以爾堪信任故命爾前往軍機大事不宜遲緩

爾至彼有急應調遣之事不必請旨即與將軍席柱商酌而行時賊兵二千餘逼哈密駐防遊擊潘至善率綠旗兵二百擊斬賊兵九十人生擒三人賊解圍潰走

五月富寧安至甘州同席柱奏言吐魯番與哈密接壤係準噶爾咽喉要地當先取之大兵秣馬五旬應齊赴巴里坤從哈密之北大山後烏蘭烏蘇路進兵闢展越山取吐魯番相機進剿

上命富寧安至巴里坤擇水草佳處駐兵俟明年前進尋

詔還駐肅州經理糧馬五十五年奏言自嘉峪關運糧至  
哈密應設十二臺用山西陝西小車三千輛每車  
用三人每臺分車二百五十輛陸續轉運哈密至  
巴里坤雖近中有科舍圖嶺間之自哈密至嶺之  
南設三臺令駐哈密兵牽駝運送自嶺北至巴里  
坤亦設三臺令駐巴里坤兵接運又言哈密所屬  
布魯爾圖古哩克接壤處並巴里坤都爾博勒津  
喀喇烏蘇及西吉木達哩圖布隆吉爾附近之上

浦下浦皆可開墾以裨軍食又言布隆吉爾諸處  
田禾豐收人民漸集請遣官建倉廩及收貯農器  
房屋並於西吉木設赤金衛達哩圖設靖逆衛西  
喇郭勒設柳溝所分置守備千總同知通判兼管  
廷議並如所請行五十六年三月授靖逆將軍駐  
巴里坤

命同振武將軍傅爾丹副將軍祁里德分界覘賊六月富  
寧安率兵赴烏嚕木齊擒回人一百六十有九獲

駝馬牛羊無算七月至畢留圖厄魯特兵三百餘  
尾我後我兵還擊擒斬數人餘賊越山遁乃還師  
五十九年七月進兵烏蘭烏蘇令侍衛哲爾德克  
什圖阿玉錫等分道襲擊擒阿克塔斯哨卒餘賊  
望風竄遁復於伊勒布爾和碩奪賊谷中馬百餘  
破其所據山險獲台吉垂木珀爾斬賊三十餘生  
擒二十四人別遣散秩大臣阿喇納等率兵諭降  
闡展城回人進擊吐魯番降其酋長獲馬駝甚多

十月疏言我兵襲擊賊境大振軍威賊人窮促遣使乞降不過為緩兵計耳奸詭之性不足深信請乘勝直搗賊穴臣所統巴里坤固原甘肅兵萬有七千請選八千人由額稜哈畢爾漢路進六千人由吐魯番阿勒輝路進各持三月糧應令巡撫綽奇設置臺站先期運米及馬駝至巴里坤草廠豫備進勦疏下傳爾丹祁里德會議議入復下九卿詹事科道詳議如富寧安請



命選傅爾丹軍前三千人益其軍明年四月以烏蘭烏蘇地狹移兵駐伊勒布爾和碩尋奉

諭暫停進剿時策妄阿喇布坦遷其所属吐魯番回人西行回人多不願往中道遁回駐魯克齊木泉萬餘擊敗賊所遣宰桑和勒博斯額木齊兵推托克托瑪木特為首赴我軍乞降富寧安以

聞且以屯兵守護糧運維艱入奏

上諭議政大臣曰策妄阿喇布坦既不能遷移吐魯番回

人又不能護衛準噶爾之人其萬不能敵我兵明矣回人歸降即係吾民其令富寧安派綠旗兵一千察哈爾厄魯特蒙古兵一千赴吐魯番駐劄收撫安插如遇賊衆侵擾速行救援無使失所富寧安乃遣阿喇納率兵二千駐吐魯番收撫回人九月聞賊衆來犯又遣副都統壯圖穆克登各率兵二千援勦而自率兵四千進駐伊勒布爾和碩調遣策應會阿喇納自吐魯番與賊迎戰屢敗賊衆賊遠遁乃還駐巴里

坤六十一年四月疏言嘉峪關外布隆吉爾之西  
為古瓜沙燉煌地昔曾建城屯種遺址尚存且濱  
河土肥若駐兵屯牧設總兵官一人統之可扼黨  
色爾騰之路六月又請專遣大臣領屯田諸處儲  
糧事又言駐守官兵月糧及進勒大軍裹帶隨運  
糧若一時並輓費多而人亦不給今巴里坤牧駝  
悉臆壯又於喀爾喀買駝至八月皆肥以駝運糧  
甚便乘炎熱草盛時分起領運南路至哈密北路

至圖古哩克軍營收貯免使臨事張皇

上並可其奏是年冬

世宗憲皇帝御極授武英殿大學士仍駐巴里坤管理軍

務雍正三年二月

上以富寧安在軍營久謹慎小心

賜敕獎諭并

賜帑銀二萬兩四年十一月還京

賜御用冠服並雙眼孔雀翎黃轡鞍馬及朝珠銀緞

諭王大臣曰富寧安自任將軍一心肫篤為國宣力再三  
奏請進兵

皇考憐念準噶爾生靈不忍剪除是以未允其請倘如所  
奏富寧安定能滅賊矣軍中約束兵丁辦理諸務井井  
有條且行止端方廉潔年來領兵將軍聲名未有出其  
右者實心奮勉不負任使益彰

皇考用人之明朕實嘉愛其錫世襲侯爵以示旌異於是  
由騎都尉晉一等侯五年四月

諭獎其公忠誠實加太子太傅七月管鑲白正紅二旗漢

軍都統事十月

命往西安署駐防將軍六年五月

諭兵部曰富寧安署理將軍為時已久所屬武職並未題補一次省城管兵之員關係甚重在富寧安之意以為可俟新授將軍常色禮到日題補曾不計常色禮於今冬自軍中至京明春方到西安如許員缺安可經年虛懸富寧安曾為巴里坤將軍西安官員認識過半何難

量才授任况現任大學士尤不宜苟且推卸若此朕向日聞其操守好辦事誠篤自授大學士以來恩賜頻仍錫封侯爵寵眷優渥理應屏除一切奮不顧身乃惟自圖保全膜視國事深負朕恩其交部嚴行察議部議革大學士及一等侯得

旨削恩賞世爵免革大學士六月卒於西安

諭曰富寧安人品端方操守廉潔敷歷中外懋著勤勞謹慎小心始終一致簡任綸扉正資倚毗忽聞溘逝朕心

深為軫悼其喪櫬起程及歸途之費令陝西督撫料理所過地方官員於櫬前奠醊仍下部議郵櫬至京

遣郡王及內大臣侍衛奠茶酒

賜祭奠如典禮謚文恭十年九月入祀賢良祠其原襲尼喀納之騎都尉世職以嗣子烏魯理襲

穆和倫

穆和倫滿洲鑲藍旗人姓喜塔臘由兵部筆帖式選內閣中書遷侍讀康熙三十二年授刑部郎中



三十三年遷御史三十九年轉禮科給事中四十一年十一月遷內閣侍讀學士十二月擢內閣學士四十二年五月兼攝光祿寺卿七月山東水災詔截漕五十萬石貯沿河州縣備賑濟發庫銀三千兩派八旗官員往賑以大臣巡察自泰安至郟城為中路濟南至登州為東路德州至濟寧為西路

命穆和倫巡察中路四十三年三月遷工部右侍郎五月穆和倫奏山東麥秋成熟請撤回賑濟官

諭獎其勤勞

命俟秋成後回京四十四年轉左四十七年四月調吏部

左侍郎五月遷左都御史四十八年授禮部尚書

明年調戶部尚書五十年

上諭八旗及部院大臣各將灼知確見篤行孝義者署名  
保奏如大學士溫達尚書穆和倫富寧安之孝朕深知  
之孝者百行之原果有篤行孝義之人不可謂無由得  
知也時穆和倫母年九十

御書北堂眉壽額

賜之五十一年四月因戶部吏包攬索銀穆和倫家人亦  
受賄部議降三級調用得

旨從寬留任時江蘇巡撫張伯行劾總督噶禮攬賣舉人  
多索賄賂噶禮亦劾伯行誣陷船埠張元隆通盜  
及不能清理案件等事

上命俱解任

遣尚書張鵬翮會同總漕赫壽察審尋奏噶禮攬賣事全

虛伯行不能清案屬實

上切責鵬翮赫壽掩飾

命穆和倫往鞠如前議噶禮無罪伯行誣劾督臣應革職

得

旨張伯行居官清正但才不如守噶禮雖才有餘未聞清正之名此所議是非顛倒著革噶禮職巡撫張伯行復任五十三年穆和倫以老病乞休

上慰留之五十四年再乞休

詔允所請五十五年仍授戶部尚書五十七年四月因收  
平餘銀未奏降五級調用十月卒

新柱

新柱滿洲鑲藍旗人姓富察康熙四十六年襲其  
祖羅多理所遺騎都尉世職六十一年補藍翎侍  
衛洵授頭等侍衛乾隆四年授鄭家莊城守尉五  
年授鑲白旗滿洲副都統六年遷都統八年擢福  
州將軍十一年疏言臺灣南北港汊有小船不從

汛地出入輒由小港私運米穀至內地又廈門往  
臺之橫洋船雖無貨物但額配水手過多往往頂  
冒私渡應整飭以清積弊又言閩俗剽悍民間私  
藏鳥鎗現經漳浦縣設法勸繳已五百餘桿請通  
行全省均下廷臣議行十二年七月疏言前任撫  
臣周學健據福州神寧二府紳士呈請開墾上下竿  
塘各島一案現在督撫委員丈勘臣聞竿塘等十  
島僅丈得水旱田三十三頃與原報萬一千六百

畝之數太懸殊良由認墾者駕詞聳聽意不在山  
而在海海洋之利名色種種如白水者可採捕魚  
鮮海島左右水深處也網地者水淺處張網以待  
潮湧魚至潮落而取也魚磓則就山脚巉石開鑿  
成圈潮來魚入潮去魚留所也紫菜磓乃山脚下  
燒取紫菜地也此皆海利大者向無專主沿海貧  
民輸納漁課於各島附近分收其利與其使紳衿  
富戶壟斷不若仍公諸貧民俾資衣食

上是之嗣經總督喀爾吉善巡撫陳大受覆奏如新柱  
言事遂停止九月疏言海關零稅向准銀錢兩收  
乾隆五年奏禁用錢近交易用錢者多小本經商  
易銀納稅啟包攬需索之弊海船因設措停留恐  
誤潮信至濱海小口如白石司沙埕等處城市遙  
遠無處易銀更屬不便請嗣後零星納稅銀錢聽  
商便并酌中定價不使滋弊得

旨俞允十四年正月署湖廣總督三月疏言楚省素稱



澤國民間田廬全賴堤堰保障荊州屬之江陵松  
滋公安石首監利武昌屬之嘉魚江夏等縣俱有  
堤堤外有護灘自十數丈至百餘丈不等遇漲不  
致屢潰襄陽府城外老龍石堤關係城池當不時  
修築安陸府之鍾祥荊門京山潛江沔陽天門漢  
陽府屬之漢川等州縣俱濱漢水有堤而無外灘  
且土性不堅遇漲輒潰荊門州屬之河洋大堤地  
當頂衝堤內田廬與潛江沔陽及荊州屬之江陵

監利等縣交錯設有疎虞俱不可保查老龍堤係石工上年動帑興修現在穩固河洋廖家窪外堤坍塌難修內挽月堤宜速修務令堤脚上窄下寬堤身加高厚此皆官修之堤工也其各州縣堤工向皆民修惟令地方官勸諭業民於歲修時擬費存公備用或是歲無需動工仍留存下屆倘一時工大民力不勝官借穀帑補食用於收成時還項奏入報

聞四月

命同尚書舒赫德往雲南查勘金沙江工程十二月調  
吉林將軍十五年仍調福州將軍奏言福州旗員  
駐閩年久清書清語日就生疎所立官學難資教  
導請發精通繙譯筆帖式一人來閩專司教習俟  
有成效另請議叙從之十六年署兩廣總督十七  
年回福州任十九年七月同總督喀爾吉善遵  
旨議奏駐防漢軍出旗為民及轉補綠營以京城滿洲

兵往補甲缺各事宜一情愿為民之漢軍聽指定  
所往省分呈明入籍一仍愿食糧者分派綠營補  
缺一漢軍儘馬甲先補綠營一半以便滿洲兵坐  
補一漢軍原住房屋應留給滿洲兵官房外有自  
蓋者給還屋價一漢軍水師甲兵暫留令滿洲兵  
學習熟諳後再改補別處一京城滿洲兵分次分  
路進閩以免壅滯又奏駐防既換請挑在京滿洲  
官帶兵前來每兵百派防禦一驍騎校一兵三百

派叅領一兵五百派協領一與漢軍人員交代至  
現在漢軍各員逐加考驗其強壯可用者候送部  
引

見改用綠旗營員經軍機大臣議行二十四年丁憂回  
旗尋補鑲藍旗蒙古都統二十五年

命往葉爾羌辦事二十六年奏言和闐回人所交乾隆二  
十四五等年糧石除官兵支領外照時價糶仍有  
萬餘石存倉據阿奇木伯克阿什默特等呈稱

每年交正項普爾二萬四千騰格每月復以普爾三千騰格換易新錢故官糧難售若准以紬布牲隻及所屬克勒底雅每年入貢餘金作價愿認糶糧石一千八百帕特瑪查回人紬布較糧石頗賤牲隻價雖稍昂仍減於內地辦送金亦通行之物且伊犁布價甚貴若由臺站轉運於兵丁衣服有  
益得

旨如所請行又言葉爾羌鑄錢一年共得八萬餘騰格

阿克蘇又開局鼓鑄與舊普爾參雜行使回人貧富遠近不同不能全收舊錢以足十萬騰格之數查新舊錢參雜自可流通若新錢鑄至十萬騰格時舊錢收盡自當停鑄若尚有舊錢則仍行增鑄以盡收舊錢為度每月不限定數至錢局所鑄無多工役量減一半以節糜費從之先是巴達克山部與博洛爾部接壤屢起釁抄掠二十八年新柱奏言臣等前遣伯克薩里等往巴達克山諭索所

掠齊特喇爾戶口什物素勒坦沙即凜遵約束將其弟沙卜多爾噶達爾撤回該地方戶口什物派所屬伯克等逐一交還博洛爾得

旨新柱辦理妥協著交部議叙是年回京授理藩院尚書兼鑲紅旗漢軍都統二十九年授西安將軍三十年仍任理藩院尚書兼正紅旗蒙古都統三十二年署理熱河副都統尋授

盛京將軍三十三年卒



賜祭葬謚勤肅

欽定八旗通志卷一百八十